

# Kontuola

ANTZUOLA / Egubakoitza / 2005eko maiatzaren 27a / 245. zenbakia

KOORDINATZAILEA: Aintzane Irizar • Barrenkalea 33 BERGARA 20570 • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02



Zirika Zirkus taldearen emanaldia izango dugu, zapatuan, 18:00etan.

ARTXIBOA

## Ondarreko jaiak antolatu dituzte hirugarren urtez

AINTZANE IRIZAR

**Oraingo asteburuan Gorpuzti jaiak ospatuko dituzte Ondarre auzoan. Umeendako jolasak, erromeria, dantza saioa, prozesioa eta abar antolatu dituzte, ohi bezala. Aurten, baina, ekitaldi berezirik ere izango dute; besteak beste, zubia inauguratuko dute.**

Orain dela bi urte berreskuratu zituzten Ondarre auzoko jaiak, hamar urteko geldialdiaren ondoren; ordutik, geroago eta indar handiagoa hartzen doaz jaiok.

Bihar, zapatua, hasiko dira jaiak; umeendako izango dira biharko ekitaldi gehientsuenak. Aiastui Peñak antolatutako ginkanarekin hasiko dira jaiak; 12:00etan izango da hori. 17:00etan, umeendako jolasak egongo dira; 17:30ean, umeendako krossa eta 18:00etan, berri,

Zirika Zirkus taldearen emanaldia, umeendako hori ere. Loretsu Traketsu eta Bolitxe Zalaparta dira zirkuko protagonistak eta musika, malabarak, magia eta oreka jokoak izango dituzte lagun ikuskizunerako.

Iluntzean, 20:30ean, auzo afaria egingo dute; menua zein izango den jakinarazi digute: entsalada, oilaskoa eta pastelak. 22:00etan, erromeria egongo da eta kafea banatuko dute herritarren artean. Gauerdirako, azkenik, lasterketa bitxia antolatu dute,

***Zapatu gauerako lasterketa berezia antolatu dute; maleta lasterketa, hain zuzen ere***

maleta lasterketa, hain zuzen ere; badirudi oporretarako gosez daukela antolatzailak.

Domekan ere izango dugu zer ikusi eta zer egin. 12:30ean prozesioa egingo dute, elizatik Ondarre plazara; 13:00etan dantzari txikien saioa izango dugu eta 13:20an, auzotarrek salda banatuko diete Ondarrera joaten diren herritar guztiei. 13:30ean amaituko dira jaiak; dozena bat txuleta eta sei ardo botila zozkatuko dituzte ordu horretan.

### ZUBIAREN INAUGURAZIOA

Ondarreko jaiak aprobetxatuko dituzte zubi berria inauguratzeko. Domekan, 13:15ean, izango da hori. Aspalditxo honetan zabalik dagoen arren, oraindik inauguratzeko zegoen Buztinzuri eta Ondarre lotzen dituen zubi berria. Aurrekoa egingo diote zubiari, eta gaita jotzaileek ere parte hartuko dute ekitaldian.


## LABUR

### Dantzari Egunean etxean umeak hartzeko deialdia egin du Oinarin dantza taldeak

Ekainaren 12an, domeka, Umeen Dantzari Eguna ospatuko dute herrian. Kanpotik etorriko diren umeak euren etxetan bazkaltzeko hartzeko deialdia egin diete herritarrei Oinarin dantza taldeko kideek. Horretarako interesa dutenek, honako tokietan eman dezaketeko izena: Martin okindegian, Itzar liburudendan eta Ainhoa lurrindegian. Guztira, 160 bat ume parte hartuko dute Umeen Dantzari Egunean.

### Aiastui Peñak antolatutako bizikleta probak oraingo asteburuan hasiko dira Ondarren

Ginkana joko antolatu dute biharko, zapatua; 12:00etan izango da hori, Ondarreko jaietan. Datorren asteko zapatuan, ekainak 4, Iralako igoera jokatuko dute, 12:00etan. Ekainaren 18an izango da hurrengo hitzordua; Uzarragako igoera jokatuko dute egun horretan. Ekainaren 25ean, ginkana joko egongo da Kalebarrenen, eta urtero bezala, San Martzialerako igoerarekin bukatuko dira proba horiek, uztaileko lehenengo domekan.



### Literatura sariak antzuolarrendako

Bergarako Udalak antolatutako Koldo Eleizalde Literatura lehiaketan sari bana jaso dute bi antzuolarrek. Xabier Arantzetak, bere mailan eta ipuinen atalean, lehen saria jaso du, *Etxeko lanak* bere ipuinarekin. Ana Peñalbari, berri, hirugarren saria eman diote bere mailan, *Itzalaren beldur* lanarengatik. /A.I.

KIROLAK

# Herriko gimnastak oso ondo ibili dira Gipuzkoako txapelketan

A.I.

Maiatzaren 7an jokatu zuten Gipuzkoako eskola arteko gimnasia erritmiko txapelketa. Hantxe oso emaitza onak lortu zituzten gimnasta antzuolarrak. Alebin mailakoek, esaterako, Herri Ikastetxeko neskek, taldeka irabazi zuten, pilotarekin.

Infantil mailan, sokarekin eta aroarekin, Lide Toledo lehenengo eta Jurdana Pildain hirugarren sailkatu ziren. Bestalde, aroarekin, taldekako txapelketa irabazi zuen Ariznoa taldeak; Lide eta Uxue Toledo eta Jurdana Pildain talde horretako kide dira.

Maialen Legorburuk, taldeka, aroarekin eta mazoekin, irabazi egin zuen txapelketa, Ariznoa taldearekin. Bakarka, zinta eta mazoekin, hirugarren geratu zen.



MARI BENI LARREA

Jone, Onintza, Amaia, Ane eta Eukene, Sonia Corredera entrenatzailearekin.

Alebin mailan, azkenik, taldeka, Herri Ikastetxeko neskek eraman zuten txapela, pilotarekin. Honako hauek osatzen dute

alebin mailako taldea: Eukene Bastarririkak, Onintza Legorburuk, Ane Alberdik, Amaia Irasortzak eta Jone Larrañagak.



## Gazteek, ligako txapela irabazita, majo ospatu zuten!

Zapatu arratsaldean Idiazabalen jokatu zuen ligako finalerako partidua gazte mailako futbol taldeak, Donostiako Ekintzaren aurka. Jende mordoan joan zen partidua ikustera, eta badirudi jendeak emandako animoek lagundu egin zirela; izan ere, 3-2 irabazi zuten. Joan ez zirenek, berriz, segituan jakin zuten berria, jaurti zituzten etxafuegoak entzunda. Zorionak, gazteok! /A.I.

LABUR

### Antsietatearen gaineko berbaldia antolatuta dute erretiratuek datorren hilaren 2rako

Antzuolako Erretiratuen Elkarteak antolatuta eta Kuxak babes-tuta, antsietatearen gaineko berbaldia egingo dute datorren aste-ko egunean, ekainak 2; 18:00etan izango da hori, Olanan etxe-ko aretoan, eta Oihana Etxabe izango da hizlaria. "Antsietateari aurre egiteko gakoak" izenburua dauka berbaldiak eta helburua da gaixotasunaren gaineko azalpenak ematez gain, gaixotasun horri aurre egiteko bideak erakustea.

### Debagoieneko aurtengo Atzegi Eguna Antzuolan ospatuko dute, bihar, zapatua

Debagoieneko 170 bat lagunek parte hartuko dute bihar, zapatua, herrian ospatuko duten Atzegi Egunean. Aurten egun hori ospatzen duten seigarren aldia izango da. 12:30ean, udaletxean harre-ara egingo zaie parte hartzaileei eta sentsibilizazio kanpainako bideo bat erakutsiko dute; ondoren, herrian zehar ibilaldia egingo dute. 14:00etan bazkaria egingo dute Udal Pilotalekuan, eta bazkalos-tean, trikitilariekin dantzarako aukera izango dute.

### Elkarrik berbaldia egingo du martitzenean, udaletxeko osoko bilkuren aretoan

Datorren asteko martitzenerako, maiatzak 31, Elkarrik berbaldia antolatu du; 19:00etan izango da, udaletxeko osoko bilkuren aretoan. Fernando Arzallus Elkarriko kideak 10.000 testigantzen kanpainaren gaineko azalpenak emango ditu; bestalde, ekainean bukatuko den Bake Konferentzia proiektu honen lehenengo emaitzak aurkeztuko ditu, besteak beste, Gogoetarako Mahai Aldeanitzaren eta Herrietako Parte Hartze Taldeen proposamenak.

### Kadeteek Bergararen aurka jokatu dute kopako finala, bihar, zapatua, Zumarragan

Aurreko asteburuan etxean jokatu zuten finalerako sailkapene-ko partidua, Beraun taldearen aurka; 3-1 irabazi zuten antzuolarrak, eta horrela, finalerako sailkatu ziren.

Benetan interesgarria izango da, hortaz, biharko partidua; izan ere, finala izateaz gain, derbia izango dugu: Bergara izango du aurrez aurre Antzuolako taldeak. Zelai neutralean jokatu dute partidua, Zumarragako Argixao futbol zelaian, hain zuzen ere. 16:00etan izango da partidua.

KIROLA

PARTIDUAK

FUTBOLA

Maiatzak 28 (Zumarragan)

16:00: Bergara-Antzuola (Kadeteak)

PILOTA

Maiatzak 27 (Deba Arroko Txap.)

20:00: Olalde-Eskoriatza (Nagusiak)

EMAITZAK

FUTBOLA

Antzuola 3 Ekintza 2 (Gazteak)

Antzuola 3 Beraun 1 (Kadeteak)

PILOTA

Deba Arroko txapelketa


Olalde-Lagunak (Nagusiak) . . . . . 15-22

Arrasate-Olalde (Kadeteak) . . . . . 10-22

Lau 1'erdiko txapelketa (Elgeta)

Mendizabal-Iraola . . . . . 22-4

**LARREA**  
**TABERNA**  
Kalebarren 17  
ANTZUOLA

**MUJIKA HARATEGIA**  
  
Berezitasunak:  
Etxean hazitako  
zekorrek eta oilaskoak  
Kalebarren, 1.  
ANTZUOLA  
Tf. 943 76 64 34

**AITZ-GARBI**  
  
taberna  
jatetxea  
Pintxoak eta  
kazuelatxoak.  
Bazkariak eta afariak  
Kalebarren 15. Tf. 943 78 70 51  
ANTZUOLA

  
**zabalo**  
IGELTSEROTZA  
Jose Luis Zabalo  
Kalegoi 9, 1. solairua  
ANTZUOLA.  
Tel. 943 76 60 89  
Faxa: 943 76 60 14

**ZAHAR BERRITZEAK:**  
Fatxadak  
Bainugela eta sukaldea  
Lokal komertzialak  
Teilatuak  
**Eta orain....**  
**GREMIOEN**  
**KOORDINAZIOA**